



Հովհաննես Տերզնցու տպագրած այս Սաղմոսարանը շատ հազվագյուտ գիրք է, որից չկար Հայաստանի որևէ գրադարանում: Գ. Առնյանը գրում է. «Մենք այս հրատարակությունը (Տերզնցու Սեղմոսարանը.—Շ. Շ.) չենք տեսել, հետևապես չպետք է կարողանանք խոսել նրա պոլիգրաֆիական արժեքի մասին: Արդյոք Աբգարի թողած տառերն են օգտագործված... թե՛ նոր տառեր են ձուլված, հայտնի չէ»²:

Տերզնցու և Աբգար դպրի Սաղմոսարանների տառատեսակների բաղադրությունը մեզ բերեց այն եզրակացություն, որ դրանք տպագրվել են բոլորովին սաքբեր տառանիշերով: Առաջինը տպագրված է մանր, փոքրատառ և մեծատառ տպագիր գրերով, իսկ երկրորդը՝ խոշոր, ձեռագիր տառանիշերով:

Այդ բանում մենք համոզվեցինք, երբ Մատենադարանի գրադարանը ունեցավ Տերզնցու Սաղմոսարանից մի օրինակ և ահա թե ինչպես:



Նկ. 1. Սաղմոսարանի «ժգ» մամուլի
7-րդ էջը



Նկ. 2. Սաղմոսարանի «գ» մամուլի
2-րդ էջը

Արժանահիշատակ ակադեմիկոս Հակոբ Մանանդյանը կտակ էր թողել իր անձնական արխիվը հանձնել Մատենադարանին: Նրա արխիվի հետ հանձնվեց նաև մի հնատիպ գիրք, որի «բ» մամուլի 4-րդ էջին և «զ» մամուլի 3-րդ էջին դրոշմված է ակադեմիկոս Մանանդյանի անձնական կնիքը:

Գիրքը թերթիկով պարզեցինք, որ Սաղմոսարան է, բայց տպագրության թվականը, վայրը, տպագրիչի ով լինելը պարզելու համար պահանջվեց երկար ժամանակ, որովհետև գիրքը թերի էր թե՛ սկզբից և թե՛ վերջից: Նա սկսվում է «բ» մամուլի 3-րդ էջով, այսինքն 19 էջից և վերջանում է «իբ» մամուլի 4-րդ էջով, չունի տիտղոսաթերթ և վերջին էջերի բացակայության պատճառով չկար

² Գ. Առնյան, Հայ գիրքը և տպագրության արվեստը, Երևան, 1958, էջ 73—74: